


The Makuilongdi Express

Liangmai Daily Newspaper

"Mazibo niu ngamne"



Putin niu Edward Snowden 39 tu Russia gu Citizenship pikhai mide. 2013 kum Edward Snowden niu US gu National Security Agency (NSA) gu mahinbo waju phung madu pad biiu US government niu patu phiuju padih US ga bamping jiu Russia ga n-bai khaira kheng luju nbai bambo-e



Wangkinbo N-genhiu zengtung 30 nai Russia gu parliament ga Russia gu President Vladimir Putin niu asut lubo Ukraine kadih tuhai Rassian Federation miraye chiuju dinmi lubui ye chiuju British Ministry of Defence gu tacham ga dinne.

Zengtung 28 N-genhiu 2022 Machanai Chiang PO Tamei, Tamenglong Dist. Manipur Vol.01. Issue 7 Page 1

Azan gasu naliuniu khengbo nina Iniu kamkhai bine, sichiu jiu Papiu kendise Nahpiu khugasu lenkhai bine. John.14:13.

Narendra Modi jouju kadhipiri gu jupouwaju wangju Shinzo Abe tu kashai kanui tien thiukhai mide.



N-gen.27:Masuang Japan gu Prime Minister phungkhaibo Shinzo Abe tu ndanai Kadamnai Tokyo Nippon Budokan Hall ga pagu kashaipum tu kanuibo tien hai tienkhai mide. Siga India gu Prime Minister Narendra Modi, Australia gu Prime Minister Anthony Albanese khatdi kadhipiri gu country waju gu jupou mai wangju padam lukhai mide. Shinzo Abe hai Japan gu Prime Minister phung matheng thubo piu we. Patuhai N-bumhiu zengtung 8 nai Nara namdi Japan ga election campaign kambambo wan ga mainiu kepsat mibo-e.Sibo kashai kanuibo tienkam ga Japan gu Chawangnah Fumihito nai Chawangnah pui Kiko di wangju padam lukhai mide chiuju dinne. Patu kepsat boleng malum masabo piu Tetsuya Yamagami tingkum 41 mibopiu tudi minkhai jiu bamme chiuju tacham ga dinne.

Source Aabp New Delhi

Puiluan namga CRPF niu bomb phumkhai JD(U) worker dungniui ra kambam niubo tu suini makbo Public Natish Kumar tu next PM raye chiuju dinpat mide.



Tamenglong Correspondent

N-gen.27:Tadmibo zengtung 24 N-genhiu 2022 nai CRPF mai khatniu Puiluan(Kambiron) namga bomb phumkhai luju aliu Naga maitu kam masara kambam niubo minlubo situ suini makbo thiujju ndanai zengtung 27 nai RNSOM, RNCM, RNLPM, NAVAA khatdi NAJAC niu organised thiu jiu khatdi UNC, NWU & ANSAM niu zukhaibo hang gasu Puiluan namga Public Rally tadkiu khai mide.

Haibo maduiga ANSAM gu general secretary Eno Thotso niu tacham dinju Puiluan khatdi sibo wanjeng ga bambo dungtu CRPF khatdi Assam Rifles niu bomb phumkhai luju kam kabuak ra kam bo-e sinu haikumbo ngam hai lusu makbo ngamme.Sibo rally ga Naga Women Union gu president niu di tacham dinju haikumbo ngam Indian security Forces dungniu icham chambo maidiu maidacondt. P2

The Hindu **N-gen.27:** Janata Dal (U) dunggu worker mainiu n-danai state pakhiang nangga 'satarkta evam jagarukta march' kambo ga party gu zupou mai waju aruang luju wanglanbo gara tuhoi Bihar gu Chief Minister phung bambo piu Natish Kumar tu piju aliu kadhgu Prime Minister thiu raboi palamra tuhoi BJP niu mawang bambo government haira zatti khaiju changam kamme chiuju senju tadkhai mide chiuju dinne.Paliuniu dinju tuhoi BJP niu government thinmoubo gasu chapot man hai kungkhang jiu bamme, chakam phiudbu lakju bamme khatdi zatti kakga khatniu khattu ngoukhai lakbo hai kengjiu bamme chiuju dinne.Tadmibo N-gen hiu 23 ga Amit niu Natish nai Lalu tu khanju chalad dinne khatdi 2025 Assembly election Bihar ga BJP niu mawang mirabo-e chiuju dinbo tu suini makju dinne. Thai kakga khangnia haisi Sonia Gandhi tu abuju wangkinbo gara opposition parties hinang aruang ra chiuju makhiam bam mine.

Security dungniu Iran ga protesters chamai 76 kamsat tang mide.



Masha Amini meng

N-gen. 27:Tadmibo zengtung 13 N-genhiu nai tingkum 22 pui tu morality police niu Iran gu tajai phungken ne palamra

maipui mainiu kama tadpatbo ga pazu chaphai gomsin lu tadmakge chiubo gasu min luju paliu gu custody ga majang.... Condt. P.2.

Karingting Lunlung




@@@ Manipur Pollution Control Board (MPCB) niu modified bullet silencers kham mene chiu mak mah? ### Um! kham kalang dai-dai milo, chakon tareng boniu lung kamin sita mine hai gari khon niu-

Aliuniu maitu khanbo ga agu pumtan tu kam maha bo-e

**Editorial
Chengriak**

. Aliu chengriak chiubo ga apou-pe mainiu kambam niubo khatdi tiu bam niubou maksai ganri bamniu bo etc. etc. pakhiang nangtu acheng ariak chiujui siye. Kasabo phutjiu kawibo phiujui lungjiu bam mide chiudi l niu aliuLiangmai lungkhang kinmai khuga maniu khainibo haira, aliu pou-pe niu kambam niubo hinangsi disu makbo maksai kasabo maliang mah? Tuhoi kentu phuibo tingga, papui-piu niu latdin khaisai pui-piu lat tu tathou thiu makjiu chalad din kasu, eh, sikumbo 'disu kamak bogu we' chiubo latniu shamkhai jiu, pui-piu mai walat dinkhaira hajiu tami mibo kengjiu bamme. Haikumbo lunlung niu aliuphi masuibo kengjiu bamkhe di suiye. Disumak mai lungbam niu bijiu aliudi lungbam bo-e chiubo maning tou khaikhe khatdi acheng ariak kawibosi wadoudi phut mi tukhe.



Aliu State gu future hai tourism sector ga bamme. CM Biren



Imphal (DIPR)

N-gen. 27: Manipur gadi n-danai World Tourism Day hai Maibam Lotpa Ching, Nambol Bishnupur district ga tadkiu khai mide. haibo channee hai Department of Tourism, Government of Manipur niu organised thiu lujiu "Rethinking Tourism" chiubo latpui hang gasu tadkiu khai mide chiujui tacham ga dinne.

Madui wangbam mai khuga panu tacham dinjiu tuhoi state government niu development wajuu kha khaikiu jiu pabam wajuu kasiam jiu bam me haisiniu kadih charam phuiron mai (Tourist) wajuu tu pijiu mangui bamkhai ra kamra ye. Aliu kadiga chara bensiam kawi wibo, tamsin-sinbo wajuu bambo hinang taliu mawi sanjiu bamra di kachu san khai mide.

Security dungniu Iran ga protesters...

condt. from p.1.

wanglu bosai sinahpui hai siga shaikhai mibo jeng niu suilak ge majibo ladzan tadkiu khailo chiujui protest hai naimikpui 11 mathak makjiu tadkiu boga chamai 76 kumbo saitang mide chiujui tacham ga dinne. Security dungniu protester dungtu reh masajiu rehbo khatdi chaganmi siu kachangbo khai lujiu kepbo gasu kashai thiuniubo hai patbowe chiujui dinne. Tuhoi chamai kai wajuu

tudi minjiu bamme, siga tacham lumai (Journalist) chamai 20 san tudi min mine chiujui dinne. Tuhoi Iran cities 80 protest hai tadkiu jiu bamme chiujui dinne. Police gu report thiujui ra Masha Amini hai heart failure gasu shaibo chiujui dinne chiudi pagu kikhun mainiu ra patu hai police officers mainiu dapsat mibo-e chiujui dinne.

condt. from p. 1.

Puiluan namga CRPF niu bomb phumkhai..

mai khuga tienkhaibo si lungchun lunglen khaibotasiat kasabo khatdi disu makbo ngamkam me chiujui condemned thiujui dinne khatdi panu Puiluan nam nah maitu kathot khaijiu paliu gu pumtan khatdi thouna kawibo niu tathu chara wajuu tu kham lubo-e chiujui dinkhai mide. Siron nang makjiu RNCM gu vice-president Athan Rongmei niudi tacham dinjiu, Puiluan nam mainiu aliu Naga mai gu m a j i b o

lungchun lunglen khaibotasiat kasabo khatdi disu makbo ngamkam me chiujui condemned thiujui dinne khatdi panu Puiluan nam nah maitu kathot khaijiu paliu gu pumtan khatdi thouna kawibo niu tathu chara wajuu tu kham lubo-e chiujui dinkhai mide. Siron nang makjiu RNCM gu vice-president Athan Rongmei niudi tacham dinjiu, Puiluan nam mainiu aliu Naga mai gu m a j i b o

Northeast ga raihubo pakon tidmai nai palad patmak mai gu restaurant Imphal ga lepat khai mide



Imphal Free Press

N-gen. 28: "The Voice Khonjel" chiubo restuarant hai thainai Luwangsangbam, Imphal East ga Social Welfare gu Minister H Dingo niu chief guest thiujui lepat khai mide. Haibo hotel hai pakon tidmai nai palad padmak mainiu manage thiura ye chiujui dinne. Haibo hatel hai young social activist khatdi cyclist Rohan Philem chiubo piu niu linsu khai bo-e. haibo madui ga chagiangpi niu tacham dinjiu haikum bo ngam hai mai mathiu tu challenge thiukhai bo kadi bowe. Kadhipiri ga masui mak mai thiujui bamdi tam-tam bo jaiga pangam hai bamkam bowe. Haisi niu di palad patmak mainai pakon katid maileng kagengbo kengjiu दौरा bo-e chiujui panu dinkhai mide.

Mathen Cham



UEFA Nation League mathen ga n-danai Italy nai Hungary mathen jiu Italy niu Hungary tu goal 2 niu ngamkhai mide. England nai Germany mathen boga goal 3-3 draw tad mide.

pisikhaibo

Nidkak khat ga Kajannai machang aliu Liangmai gu ariak kenbo jai nai roubo jai hai Literature gu committee lamsu kamkhai sune. Siniu maihinang khat-khat tu alam(Cooperation) bamkhai bamra kheng khai ye.